



18. august 2023

UKA 2023/118

Inatsisartut suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppara:

Arpattarfiit aammalu atletik atorlugu sungiusartarfiit allat nuna tamakkerlugu sananeqarsinnaanerinik periarfissanik misissuinissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut Ilaasortaq Nivi Olsen, Demokraatit)

Tunngavilersuut

2023 aasaanerani arnat nunanut allanut unammisartunut VM-mut anngunnerini angerlarsimaffigisami unamminerup isumaqangaatsiarnera erseroq. Tamattaalluta tapersersuinerput nuanneq.

Angusarissaarnerit tamakku amerlanerungaartut pilersittariaqarpagut. Eqaarsaerneq timimut peqqinnartuuvoq, Demokraatinillu isumaraarput nunatsinni innuttaasut timersuutit amerlanerpaat neqeroorutigisinnaasariaqarigut.

Demokraatinuit tanngassimaarutigaarput ukiorpaalunngorsimasuni ivigaasanik arsaattarfegalernissaa sukataarutigisarnergatsigu. Ivigaasanik arsaattarfiit katersuuffiupput qularnanngitsumik arsaannermi sungiusarnermut aammalu unammiuarnernut pitsaassutsikkut qaffariaateqartitsisimanissaat.

Unammisarfiit taakku eriagalugit ineriartotsinnissaallu pingartuuvoq, ataavartumimmi suli katersuuffiusariaqarput.

Assigisaanik inersuit timersortarfiit eriagisariaqarpagut. Håndboldertartut tullii tassa taakkunani VM-ernissaminnut sungiusartussaapput. Taamaasiussappata atugassarititat pitsaasuusariaqarput.

Ajoraluartumilli ukiorpassuanngortuni aserfallatsaalisoqarsimannnginnera peqqutigalugu timersortarfiutigut arlallit pitsaasuunngillat.

Kisiannili aamma timersuutini allani qanoq ineriartotsisinnaanerluta eqqarsaatigerusupparput. Siunnersuutigisanni arpattarfiit aammalu atletik atorlugu timersuutini sanaartornissat sanaartornissamut periarfissat misissortikkusuppakka. Atletik olympiskiusumik timersoriaatsit arlallit pineqarput soorlu, arpanneq, pissinnerit aammalu miloriussinerit.

Timersuutit taakku pitsaanerpaartagut aammalu siammasissumik timersortitsisinnaanermut iluaquataassapput, atugassarititalu taakku pitsasut aamma 2023-mut aalanerpaanngorniarluta anguniakkatsinnut iluaquataassapput.

Atletik atorlugu timersortarfiit piffissaq ungasinnerusoq aamma eqqarsaatigalugu Island Games aaqqissuunnissaanut qulakkeerinninnissamut iluaquataassapput.

Taamatut oqaaseqarlunga Naalakkersuisut Inatsisartunilu partiit sinneri siunnersuutinnut qanoq isumaqarnersut tusassallugu qilanaaraara, nerullunga siammasissumik ilalerneqarumaarpunga.



Pisortanut aningaasatigut allaffissornikkullu kingunissai

Misissuinissamut siunnersuutigineqartoq atorfillip ukiumut suliarisartagaanut 500.000 koruuninik naleqartup qaangernissaa naatsorsuutigineqanngilaq.

Namminersorlutik inuussutissarsiuteqartunut aningaasatigut allaffissornikkullu kingunissai

Soqanngilaq.

Innuttaasunut aningaasatigut allaffissornikkullu kingunissai

Soqanngilaq.